

樂城集卷第一

甲

詩五十二首

郭綸

州綸本河西弓箭手屢戰有功不賞自製

州監官滿貧不能歸權嘉州監稅

郭綸本蕃種騎鬪雄西戎流落初無罪因循遂龍鍾

嘉州已經歲見我涕無窮自言將家子少小學弯弓

長遇西鄙亂走馬救邊烽手挑丈八矛所往如投空

平生事苦戰數與大寇逢昔在定川寨賊來如羣蜂

萬騎擁酋帥自謂白相公揮兵取其元模糊腥血紅

戰勝士氣振赴敵如旋風蚩蚩禮表將不信勇且忠

這語相勸誘一矢摧厥胷短兵接死地日落沙塵蒙





馳歸不敢息馬口銜折鋒誰知八尺軀脫命萬死中  
忽聞南蠻叛羽檄行忽忽將兵赴危難瘴霧不辭衝  
行經賀州城寂寞無人蹤攀堞莽不見入據為築塘  
一旦賊兵下百計燒且攻三月不能陷救至遂得通  
崎嶇有成績元帥多異同有功不見賞憔悴落巴賈  
已矣誰復信言之氣恟恟予不識郭綸聞此為歛容  
一夫何足言竊恐悲羣雄此非介子推安肯不計功  
郭綸未嘗敗用之可前鋒

初發嘉州

放舟沫江濱往意念荆楚擊鼓樹兩旗勢如遠征戍

紛紛上船人擄急不容語余生雖江陽未省至嘉樹  
巉巉九頂峯可愛不可住飛舟過山足佛脚見江滸  
舟人盡歛容競欲揖其拇俄頃已不見烏牛在中渚  
移舟近山陰壁峭上無路云有古郭生璞此地苦筭  
注區區辨蟲魚爾雅細分縷沈硯去殘墨遍水如黑  
霧至今江上魚頂有遺墨處覽物悲古人嗟此空自  
苦余今方南行朝夕事鳴榔至楚不復留上馬千里  
去誰能居深山永與禽獸伍此事誰是非行行重回  
顧

過宜賓見夷中亂山



江流日益深民語漸已變岸闊山盡平連峯遠非漢  
慘慘瘴氣青薄薄寒日煖峯巒苦崖石草木條幹短  
遙想彼居人狀類麕鹿窟何時遂平定戍卒從此返

夜泊牛口

行過石壁盡夜泊牛口渚野老三四家寒燈照疎樹  
見我各無言倚石但箕踞水寒雙脰長壞袴不蔽股  
日莫江上歸潛魚遠難捕稻飯不滿盂飢臥冷徹曙  
安知城市歡守此田野趣祇應長凍飢寒暑不能苦

戎州

江水通三峽州城控百蠻沙昏行旅倦邊靜禁軍閑

漢虜更成市羅紈斬不還投壇揀精密換馬瘦孱顏  
兀兀頭垂髻團團耳帶鐸夷聲不可會爭利苦間關

舟中聽琴

江流浩浩羣動息琴聲琅琅中夜鳴水深天闊音響  
遠仰視斗牛皆從橫昔有至人愛竒曲學之三歲終  
無成一朝隨師過滄海留置絕島不復迎終年見怪  
心自感海水震掉魚龍驚翻回蕩瀟有遺韻琴意忽  
忽從此生師來迎笑問所得撫手無言心已明世人  
囂囂好絲竹撞鐘擊鼓浪謂榮安知江琴韻超絕擺  
耳大笑不肯聽



泊南井口期任遵聖

期君荒江濱未至望已極朔風吹烏裘隱隱沙上立  
愧余後期至先到犯寒色既泊問所如歸去已無及  
繫舟重相邀雨冷塗路濕

江上早起

晨興孤舟上盥濯夜氣清整巾未皇坐雙檣軋已鳴  
日出江霧散江上山從橫區區茅舍翁曉出露氣腥  
收筒得大鯉愛惜不忍烹持之易斗粟朝飭厭魚羹  
蕭蕭遠風起泛泛野鴈驚忽過百餘里山水互變更  
逢舟問所如彼此不知名超超江湖間殊勝地上行

旦游市井喧莫宿無人聲江上誠足樂無怪陶朱生

江上看山

朝看江上枯崖山憔悴荒榛赤如赭莫行百里一回  
頭落日孤雲靄新畫前山更遠色更深誰知可愛信  
如今唯有巫山最穠秀依然不負遠來心

山胡

山胡擁蒼毳兩耳白茸茸野樹啼終日黔山深幾重  
啄溪探細石噪虎上孤峯被執應多恨筠籠僅不容

白鷗

白鷗形似鶴搖曳尾能長寂寞懷溪水低回愛稻梁



田家比雞鷺野食薦杯觴肯信朱門裏徘徊占玉塘

屈原塔 在忠州

屈原遺宅秭歸山南賓古者巴子國山中遺塔知幾年過者遲疑不能識浮圖高絕誰所為原死豈復待汝力臨江慷慨心自明南訪重華訟孤直世人不知徒悲傷強為築土高岌岌

嚴顏碑 亦在忠州

古碑殘缺不可讀遠人愛惜未忍磨相傳昔者嚴太守刻石千歲字已訛嚴顏平生吾不記獨憶城破節最高被擒不辱古亦有吾愛善折張飛豪軍中生死

何足怪乘勝使氣可若何斫頭徐死子無怒我豈畏死如兒曹匹夫受戮或不避所重壯氣吞黃河臨危開暇有如此覽碑慷慨思橫戈

竹枝歌 忠州作

舟行千里不至楚忽聞竹枝皆楚語楚言啁晰安可分江中明月多風露扁舟日落駐平沙茅屋竹籬三四家連春並汲各無語齊唱竹枝如有嗟可憐楚人足悲訴歲樂年豐爾何苦釣魚長江江水深耕田種麥畏狼虎俚人風俗非中原處子不嫁如等閑双鬢垂頂髮已白負水採薪長苦艱上山採薪多荆棘負



水入溪波浪黑天寒斫木手如龜水重還家足無力  
山深瘴暖霜露乾夜長無衣猶苦寒平生有似麋與  
鹿一旦白髮已百年江上乘舟何處客列肆喧譁占  
平磧遠來忽去不記州罷市歸船不相識去家千里  
未能歸忽聽長歌皆慘悽空船獨宿無與語月滿長  
江歸路迷路迷鄉思渺何極長怨歌聲苦淒急不知  
歌者樂與悲遠客乍聞皆掩泣

望夫臺

在忠州南數十里

江上孤峯石為骨望夫不來空獨立去時江水拍山  
流去後江移水成磧江移岸改安可知獨與高山化

為石山高身在心不移慰爾行人遠行役

八陣磧

在夔州

漲江吹八陣江落陣如故我來苦寒後平沙如匹素  
乘高望遺迹磊磊六十四遙指如布棊就視不知處  
世稱諸葛公用衆有法度區區落褒斜軍旅無闊步  
中原竟不到置陣狹無所茫茫平沙中積石排隊伍  
獨使後世人知我非莽鹵柰何長蛇形千古竟不悟  
惟餘柏元子久視不能去

灩澦堆

或云上有古碑

江中石屏灩澦堆鼉靈百丈禹不能摧深根百丈無敢



近落日紛紛鳧鴈來何人磊落不畏死爲我赤脚登  
崔嵬上有古碑刻奇篆當使盡讀磨蒼苔此碑若見  
必有怪恐至絕頂遭風雷

入峽

舟行瞿唐口兩耳風鳴號渺然長江水千里投一瓢  
峽門石爲戶鬱怒水力驕扁舟落中流浩如一葉飄  
呼吸信奔浪不復由長篙挨舵破瀆旋畏與亂石遭  
兩山蹙相值望之不容舸漸近乃可入白鹽最雄高  
草木皆倒生哀叫悲玄猿白雲繚長袖零落如飛毛  
緬懷洛水年慘蹙病有棄禹益決岷水屢與山鬼麇  
峭壁下無趾連峯斷脩腰破處不生草上不掛鳥巢  
水怪不盡戮下有龍與鼇遼哉千萬年禹死遺迹牢  
豈必見河洛開峽斯已勞

巫山廟

山中廟堂古神女楚巫婆娑奏歌舞空山日落悲風  
吹舉手睢盱道神語神仙潔清非世人瓦盎傾醪薦  
麋脯子知神君竟何自西方真人古王母飄然乘風  
遊九州謁渡西海薄中土白雲爲車駕蒼虬駢乘湘  
君宓妃御天孫織綃素非素衣裳飄飄薄煙霧泊然



冲虚眇無營朝飡屑玉嚙瓊乳下視人世安可據超  
江乘山去無所巫山之下江流清偶然愛之不能去  
湍崖激作相喧逐白花翻翻龍正怒堯使大禹導九  
州石隕山墜幾折股山前恐懼久無措稽首山下苦  
求助丹書玉笈世莫窺指示文字相爾汝擘山洩江  
幸無苦庚辰虞余實相禹功成事定世莫知空山俄  
頃千萬古廟中擊鼓吹長簫採蘭為殮蕙為肴玉缶  
薦芟香飄蕭龍勺取酒注白茅神來享之風飄飄荒  
山長江何所有豈有瓊玉薦泐寥神君聰明無我責  
為我驅獸攘龍蛟乘舡入楚泝巴蜀潰旋深惡秋水  
待我再拜長跪神所勞

巫山廟烏

巫廟真人古列仙高心獨愛玉爐煙飢烏巧會行人  
意來去紛紛噪客船

昭君村

峽女王嬙繼屈須入宮曾不愧秦姝一朝遠逐呼韓  
去遙憶江頭捕鯉魚江上大魚安敢釣轉拖橫江筋  
力小深邊積雪厚埋牛兩處辛勤何處好去家誰俗  
慕榮華富貴終身獨可嗟不及故鄉山上女夜從東



舍嫁西家

三遊洞

洞前危逕不容足洞中明曠坐百人蒼崖碑兀起成  
柱亂石散列如驚磨清溪百丈下無路水滿沙上如  
魚鱗夜深明月出山頂下照洞口終及脣沉沉深黑  
若大屋野老講火青如燐平明欲出迷上下洞氣飄  
亂為橫雲深山大澤亦有是野鳥鳴噪孤熊蹲三人  
一去無復見至今冠蓋長滿門

寄題清溪寺

在硤州鬼谷子故居

清溪鬼谷子雄辨傾六國視世無足言自閉長默默

蘇張何為者欲竊長短術學成果無賴遂為世所惑  
顛倒賣諸侯傾軔莫可執後世何不明疑我不汝及  
誰知居深山玩世可終日君觀二弟子死處竟莫得  
客齊自披裂投魏求寄食悠悠清溪中石亂流水急  
溪魚為朝飡老死得安穴居亂獨無言其辯吾不測

息壤

在荆南南門外

江上寒沙薄如席一夕墳起成高丘江流傾轉力不  
勝左齧右吐非自由南郡城南獨何者平地生長殊  
不休當中屋背不盈尺深入百丈皆石樓古人不知  
下有恠發破不掩水漲浮傳言夏鯨塞泝水上帝愛



此無敢偷竊持大畚負長鑄刺取不已帝使流禹知  
水怒非塞止網捕百恠雜蜃鯁掘壕入土不計丈投  
擲填壓聲鳴啾一時既定憂後世恐此竊出壞九州  
神人已死無復制故以此土封其頭發之輒滿不可  
既意使靈物長幽囚前年大旱千里赤取土盈掬兩  
不收誰言咫尺舊黃壤中有千歲龍與虬高山万仞  
猶可削嗟此何獨生如流天長地遠奉無極雖有缺  
壞誰能賙我疑天意固有在患世多事窮鑄鏤埏陶  
鼓鑄地力困又不自補無為憂世無女媧空白石磊  
磊滿地如浮漚耕田鑿井自無已息壤無幾安能酬

荆門惠泉

泉源何從來山下長溪發油然本無營誰使自激洌  
茫茫九地底大水浮一葉使水皆為泉地已不勝洩  
應是衆水中獨不容至潔滄滄自傾瀉奕奕見清澈  
石泓淨無塵中有三尺雪下為百丈溪冷不受魚鼈  
脫衣浣中流解我雙足熱樂哉泉上翁大旱不知渴  
荅荆門張都官維見和惠泉

荒涼荆門西泉水誰為洩發源雖甚微來意不可折  
平鋪清池滿皎皎自明澈甘涼最宜茶羊炙可用雪  
炎風五月交中夜吐明月太守燕已還青嶂空嶮嶮



泉上白髮翁來飲，杯饌闕酌水自獻酬。箕踞無禮節，區區游泉人常值。午日烈，回首憂重城。賞玩安能徹。

涇陽早發

春氣入楚澤，原上草猶枯。北風吹栗林，梅蕊颯已無。我行亦何事，驅馬無疾徐。楚人信稀少，田畝任葦蕪。空有道路人，擾擾不留車。悲傷彼何懶，歎息此亦愚。今我何為爾，豈亦愚者徒。行行楚山曉，霜露滿陂湖。

襄陽古樂府二首

野鷹來

野鷹來，雄雉走，蒼茫荒榛下。毳毼大如斗，鷹來蕭蕭

風雨寒，壯士臺中一揮肘。臺高百尺臨平川，山中放火秋草乾。雉肥兔飽走不去，野鷹飛下風蕭然。差巖呼鷹臺人去，臺已圯，高臺不可見。况復呼鷹子長歌，野鷹來，當年落誰耳。父生已不武，子立又不強。北兵果南下，擾擾如驅羊。鷹來野雉何暇走，束縛籠中安得翔。可憐野雉亦有爪，兩手捽鷹猶可傷。

襄陽樂

誰言襄陽苦歌者，樂襄陽太守劉公子。十年未可忘，劉公一志歲時改。惟有州南漢水長，漢水南流峴山碧。種稻耕田泥沒尺，里人種麥滿高原。長使越人耕



大澤澤中多水原上乾越人為種楚人食火耕水耨  
古常然漢水魚多去滿船長有行人知此樂來買糕  
頭縮頸編

雙鳧觀在葉縣

王喬西飛朝洛陽飄飄千里雙鳧翔鳧飛遭網不能  
去惟有空履鳧已亡誰知野鳥不能化豈必雙履能  
飛揚鳧神履惟當有在搔首野廟春風長

懷颯池寄子瞻兄

相攜話別鄭原上共道長途怕雪泥蹄騎還尋大梁  
陌行人已渡古嶠西曾為縣吏民知否轍嘗為此縣簿舊

宿僧房壁共題

轍昔與子瞻應舉過宿縣中寺舍題其老僧奉闕之壁

遙想獨

遊佳味少無言驢馬但鳴嘶

辛丑除日寄子瞻

一歲不復居一日安足惜人心畏增年對酒語終夕  
夜長書室幽燈燭明照席盤殮雜菜楚羊炙錯魚腊  
庖人饌雞兔家味宛如昔有懷岐山下展轉不能釋  
念同去問里此節三已失初來寄荆渚魚雁賤宜客  
楚人重歲時爆竹鳴礫礫新春始涉五田凍未生麥  
相携歷唐許花柳漸牙拆居梁不耐貧投杞避糠覈  
城南庠齋靜終歲守墳籍酒酸未嘗飲牛羸每共炙



謂言從明年此會可縣射同為洛中吏相去不盈尺  
濁醪幸分季新筍可餉伯嶺嶺嵩山美漾漾洛水碧  
宮閑得相從春野玩朝日安知書閣下羣子並遭戡  
偶成一朝榮遂使千里隔何年相會歡逢節勿輕擲  
次韻子瞻減降諸縣囚徒事畢登覽

山川足清曠闕闕巧拘囚安得熾阿御同為穆滿遊  
遙知因煥汗遠出散幽憂原隰繁分繡村墟盡小侯  
春深秦樹綠野闊渭河流四顧神蕭瑟前探意漲浮  
勝觀殊未已往足詎能收下坂如浮舸登崖劇上樓  
強行腰偃僕困坐氣噓咻鳥語林巒靜花明澗谷幽

濯溪驚野老伐路駭它州中散探深去文淵到處留  
聽琴峯下寺弄石水中洲溪冷泉水脚山高霧遶頭  
石潭清照骨瀑水濺成鈎仙廟鳴鐘磬神官秉鉞割  
養生聞帝女服氣絕彭讎故宅猶傳尹先師不喜立  
居人那識道過客謾停騶巖谷誠深絕神仙信有不  
雲居無几杖霞珮棄鐫鈎豹隱連山霧龍潛百尺湫  
門開誰與叩桃熟浪傳偷紺髮清無比方瞳凜不眸  
會須林下見乞取壽年脩拔去和雞犬相隨若旆旒  
乘風遺駿褭長嘯賤笙篴從騎衣皆羽前驅鬣盡蚪  
安能牽兩足暫得快雙眸自昔辭鄉樹南行上楚舟



萬江窮地脉三峽東天溝雲暗鄧都晚波吹木樨秋  
尋溪緣窈窕入洞聽颼颼空寺牧黃栗荒祠畫伏虎  
登臨雖永日行邁肯停輶蓄縮今何事攀躋昔已悠  
魏京饒士女春服聚蜉蝣雷動車爭陌花搖樹繫鞦韆  
遊人紛蕩漾野鳥自嚶啾平日曾經洛閑居願卜緜  
空言真比夢久渴漸成愁早退嘗相約辭囂痛自摟  
愛山心劫劫從宦興油油海宇都無礙山林盡可投  
願為雲上鶴莫作葢中僚邊性行隨足謀生富給喉  
今遊雖不與後會豈無由畫出同穿履宵眠共覆裘  
弟兄真欲爾朋好定誰儔試寫長篇調何人肯見酬

次韻子瞻太白山下早行題崇壽院

山下晨光晚林梢露滴昇峯頭斜見月野市早明燈  
樹暗猶藏鵲堂開已饌僧據鞍應夢我聯騎昔嘗曾

次韻子瞻延生觀後山上小堂

謝公遊意未能厭踏盡登山屐齒尖古殿神仙深杳  
杳香爐煙翠起纖纖巖花寂歷飄瓊片庭檜蕭疎漏  
玉蟾帝子莫歸人不見微風細雨自開簾

唐王真公  
主備道於

此山

次韻子瞻題仙遊潭中興寺

潭邊沙水不成泥潭上孤禽掛峻啼繚繞飛橋能試



客蒙茸翠蔓巧藏溪雲為絳帳馬融室石作屏風玉  
女閨仙果知君今未足臨潭脚戟怕長梯

石鼻城

千山欲盡垂為鼻百戰皆空但有城虎闖穴中秦地  
恐龍飛渭上漢江傾雍人未有章邯怨魏將猶存仲  
達精睥睨陵遲春草滿白羊無數向風鳴

礮溪石

呂公年已莫擇主渭河邊跪餌留雙膝臨溪不計年  
神專能陷石心大豈營鱸不到礮溪上安知自守堅

郿塢

董公平昔甚縱橫晚歲藏金欲避兵當日英雄智相  
似燕南趙北亦為京

棲觀

若將厭世入流沙飄蕩知雲不可遮弟子憐師將去

國關門望氣載還家高臺尚有傳經處畫壁空留駕

犢車一投遺書無復老不知何苦服胡麻此觀尹喜  
舊宅神仙

傳言尹喜於流沙  
之西服芒屨實

次韻子瞻秋雪見寄二首

臥氣蕭騷仍見雪客愁繚繞動縈心幽吟北戶窸聲  
細歸夢逐關馬迹深疎樹飛花輕款款衰荷留柄亂



簪簪遙聞詩酒皆推勝社客何人近納暎  
平時出處常聯袂文翰叨陪舊服膺自信老兄憐弱  
弟豈關天下少良朋何時杯酒看浮白清夜看蔬粗  
滿登離思隔年詩不盡秦梁雖遠速須磨

次韻子瞻聞不赴商幕三首

惟我辭官免入商才疎深畏忝周行學從社稷卮源  
本近讀詩書識短長東舍久居如舊宅春蔬新種似  
吾鄉閉門已學龜頭縮避謗仍兼雉尾藏雖藏不能  
以爲南商兩洛曾虛署長吏居民惟不來妄語自知當見

棄遠人未信本非才厭從貧李嘲東閣懶學諛張緩  
兩腮知有四翁遺跡在山中豈信少人哉

頃動箎鳴只自知憂輕責少幸官卑聲名謾作耳中  
填科第空收額底髭西鄙猖狂猶將將中朝閑暇自  
師師近成新論無人語仰羨飛鴻兩翅差

次韻子瞻病中大雪

吾兄筆鋒雄詩俊不可和雪中思清絕韻惡愈難柰  
殷勤賦黃竹自勸飲白墮言隨飛花落意與長風簸  
餘力遠見捺千里寄璀璨嗟予學久廢有類轉空磨  
研磨之無得安可待充貨空記乘峽船行意彼摧剝



溟濛覆洲渚，泠冽光照坐。我唱君實酬，馳騁不遑卧。  
譬如逐獸盧，豈覺山徑坷。酒肴助喧熱，筆硯盡霑澗。  
詩詞禁推類，令肅安敢破。亦有同行人，牽挽赴程課。  
爾來隔秦魏，渴望等飢餓。徒然遇佳雪，有酒誰與賀。  
次韻子瞻記歲莫鄉俗三首

餽歲

周公制鄉禮，無有相通佐。并肉送子思，烝豚出陽貨。  
交親隨高低，豈問小與大。自從此禮衰，伏臘有飢臥。  
鄉人慕古俗，酬酢等四坐。東鄰遺西舍，迭出如蟻磨。  
寧我不飲食，無爾相咎過。相從慶新春，顏色買愉和。

別歲

富貴日月速，貧賤覺歲遲。遲速不須問，俱作不可追。  
親舊且酣飲，送爾天北涯。歲歲雖無情，從我歷四時。  
酌爾一杯酒，留我壯且肥。長作今歲歡，勿起異日悲。  
掉頭不肯顧，曾莫與我辭。酒闌氣方橫，豈信從爾衰。

守歲

於菟絕繩去，顧兔追龍蛇。是歲寅奔走十二蟲，羅網不  
及遮。嗟我地上人，豈復柰爾何。未去不自閑，將去乃  
誼譁。天上驅獸官，為君肯停過。魯陽揮長戈，日車果  
再斜。醜酒勸爾醉，期爾蹙蹉跎。偕醉遣爾去，壽考自



足誇

記歲首鄉俗寄子瞻二首

踏青

江上冰消岸草青  
三三五五踏青行  
浮橋波水不勝  
重野店壓糟無復清  
松下寒花初破萼  
谷中幽鳥漸  
嚶鳴洞門泉脉龍睛動  
觀裏丹池鴨舌生  
山下餅罌  
霑稚孺峯頭鼓樂聚  
簪纓縞裙紅袂臨江影  
青蓋驂  
騶踏石聲曉去爭先  
心蕩漾莫歸誇後醉  
從橫最憐  
人散西軒靜曖曖斜陽著樹明

蚕市

枯桑舒牙葉漸青  
新蚕可浴日  
清明前年器用隨手  
敗今冬衣着及春營  
傾困計口費餘粟  
買箔還家待  
種生不唯箱篚供  
婦女亦有鈕鑄資  
男耕空巷無人  
闕容冶六親相見爭  
邀迎酒肴勸屬坊市滿  
鼓笛繁  
亂倡優穉蚕叢在時已如此  
古人雖沒誰敢更異方  
不見古風俗  
但白陌上聞吹笙

子瞻寄示岐陽十五碑

堂上岐陽碑  
吾兄所與我  
吾兄自言書所取  
無不可  
歐陽弱而立商  
隱瘦且楮小篆妙詰曲  
波字美婀娜  
譚藩居顏前  
河類學顏頗  
魏華自磨泮  
峻秀不包裘



九成刻賢俊磊落雜么麼英公與褒鄂戈戟聞自荷  
何年學操筆終歲惟箭筈書成亦可愛執業嗟獨夥  
余雖繆學文書字每慵墮車前駕騏驎車後繫羸蹠  
逾年學舉足漸亦行駸駸古人有遺迹寔短不及鏤  
從兄發之洗硯處兄左

藥城集卷第一

藥城集卷第二

詩六十九首

畫文殊普賢

誰人畫此二菩薩趺坐花心乘象狻弟子先後執玉  
缶老僧槎牙森比肩山林脩道幾世劫顏兒偉麗如  
開蓮重崖宛轉帶林樹野水荒蕩浮雲天峨眉高處  
不可上下有絕澗錮九泉朝陽未出白霧起有光升  
天如月圓靈仙居中粗可識有類白兔依清蹊遊人  
禮拜千萬萬迢遞漸遠如飛煙五臺不到想亦爾今  
之畫圖誰所傳吾兄子瞻苦好異敗繒破紙收明鮮



自從西行止得此試與記錄代一觀

### 聞子瞻重遊南山

終南重到已春回山木綠崖綠似苔谷鳥鳴呼嘲獨  
往野人笑語記曾來定邀道士彈鳴鹿誰與溪堂共  
酒杯應有新詩還寄我與君和取當遊陪

彈鳴鹿飲溪堂皆前

時終南

### 子瞻見許驪山澄泥硯

長安新硯石同堅不待書來遂許頒豈必魏人勝近  
世強推銅雀沒驪山寒煤舒卷開雲葉清露霑流發  
涕潛早與封題寄書案報君湘竹筆身斑

### 寒食前一日寄子瞻

寒食明朝一百五誰家冉冉尚厨煙桃花開盡葉初  
綠燕子飛來體自便愛客漸能陪痛飲讀書無思懶  
開編秦川雪盡南山出思共肩輿看麥田

大人久廢彈琴比借人雷琴以記舊曲十得三四率爾拜呈

久厭凡桐不復彈偶然尋繹尚能存倉庚鳴樹思前  
歲春水生波滿舊痕泉落空巖虛谷應珮敲清殿百  
官寒終宵竊聽不能學庭樹無風月滿軒

### 聞子瞻習射



舊讀兵書氣已振  
近傳能射喜征  
盡隨樂節寧論  
中箭作鴟聲不害  
文力薄僅能勝  
五斗才高應自敵  
三軍良家六郡傳  
真法馬上今誰  
最出羣

### 種菜

久種春蔬早不生  
園中汲水亂瓶甕  
菘菜經火未出土  
僮僕何朝飽食羨  
強有人功趨節令  
悵無甘雨困耘耕  
家居閑暇厭長日  
欲看年華上菜塋

### 次韻子瞻題薛周逸老亭

飛鳥不知穴山鹿  
不知流薛子善飲  
酒口如吸水虬吾  
觀腸胃間何異族  
黨州人滿地已盡  
一介不可留

謂子試飲水一酌  
不再求謂子飲醇  
酒百酌豈待酬酒  
可水不可其說亦  
已悠以我視夫子  
膏腹百丈幽譬如  
田中人視彼公與  
侯未省破顏飲何  
况裸露頭鷓夷謂  
大瓠皆飽安用浮  
多少苟自適豈害  
為朋遊

### 次韻子瞻題長安王氏中隱堂五首

秦中勝三蜀故國  
不須歸甲第春風  
滿巴山晝夢非竹  
深啼鳥亂花落晚  
蜂飛我欲西還去  
敲門慎勿違唐朝  
卿相宅此外更應  
無請看庭前樹曾  
攀屋裏姝流傳漸  
失實遺老不禁徂  
試問歸登物林間  
翠石孤

賦登宅此即



愛君高堂上有似蜀江墀墻外終南近簷西太白偏  
晚梅晴自媚老竹暗相遷未到遙聞說吾廬安得然  
官去空留鶴山浮不見鼇竹林迎日淨槐木擁亭高  
鳥噪知人至蟬鳴覺口勞誰能飲堂上解帶不穿袍  
君看原上墓墳盡但餘碑誰見生前貴塵生帶下龜  
高堂幸有酒一飲豈論貲勉強行樂耳古人良可悲

和子瞻鳳翔八觀八首

石鼓

岐山之陽石為鼓叩之不鳴懸無虞以為無用百無  
直以為有用萬物祖置身無用有用間自託周宣誰

敢侮宣王沒後墳壠平秦野蒼茫不知處周人舊物  
惟存山文武遺民盡囚虜昇鍾無在鑄戈戟宮殿已  
倒生禾黍厲宣子孫竄四方昭穆錯亂不存譜時有  
過客悲先王綢繆牖戶徹桑土思宣不見幸鼓存由  
鼓求宣近為愈彼皆有用世所好天地能生不能主  
君看項籍猛如狼身死未冷割為脯馬童楊喜豈不  
仁待汝封侯非怨汝何況外物固已輕毛擒翡翠尾  
執塵惟有蒼石於此時獨以無用不見數形骸偃蹇  
任苔蘚文字皴剝困風雨遭亂既以無用全有用還  
為太平取古人不見見遺物如見方召與申甫文非



料斗可窮詰簡編不載無訓詁字形漫汗隨石缺蒼  
虵生角龍折股亦如老人遭暴橫頤下髭禿口齒齟  
形雖不具意可知有云楊柳貫魴鱖魴鱖豈厭居溪  
谷自投網罟入君俎柳條柔弱長百尺挽之不斷細  
如縷以柳貫魚魚不傷貫不傷魚魚樂死登之廟中  
鬼神格錫女豐年多黍稷宣王用兵征四國北摧犬  
戎南服楚將帥用命士卒驩死生不願闕虓虎問之  
何術能使然撫之如子敬如父弱柳貫魚魚弗違仁  
人在上民不怒請看石鼓非徒然長笑太山刻秦語

咀楚文

詛楚楚如桀詛秦秦則紂桀罪使信然紂語安足受  
性肥酒醪絜夸誕鬼不祐鬼非東諸侯豈信辯士口  
碑埋祈年下意繞章華走得楚不付孫但為劉季取  
吾聞秦穆公與晉實甥舅盟鄭絕晉歡結楚將自救  
事見呂使秦詛楚人晉亦議秦後諸侯迭相詛禍福  
相絕秦果誰有世人不知道好古無可否何當投涇流渾濁  
蓋鄙醜

王維吳道子畫

在普門及  
開元寺

吾觀天地間萬事同一理扁也工斲輪乃知讀文字  
我非畫中師偶亦識畫旨勇怯不必同要以各善耳



壯馬脫銜放平陸步驟風雨百夫靡羨入婉婉守閑  
獨不出庭戶修容止女能嫣然笑傾國馬能一蹶致  
千里優柔自好勇自強各自勝絕無彼此誰言王摩  
詰乃過吳道子試謂道子來置女所挾從軟羨道子  
掉頭不肯應剛傑我已足自恃雄奔不失馳精妙實  
無比老僧寂滅生慮微侍女閑絜非復婢丁寧勿相  
違幸使二子齒二子遺迹今豈多岐陽可貴能獨備  
但使古壁常堅完塵土雖積光豔長不毀

楊惠之塑維摩像

在天柱寺

金粟如來瘦如腊坐上文殊秋月圓法門論極兩相

可言語不復相通傳至人養心遺四體瘦不為病肥  
非妍誰人好道塑遺像鮫皮束骨筋扶咽兀然隱几  
心已滅形如病鶴竦兩肩骨節支離體竦緩兩目視  
物猶炯然長嗟靈運不知道強剪羨須插兩顴彼人  
視身若枯木割去右臂非所患何況塑畫已身外豈  
必奪爾庸自全真人遺意世莫識時有遊僧施鉢錢

東湖

不到東湖上但聞東湖吟詩詞已清絕佳境亦可尋  
蜿蜒蒼石螭蟠挈據湖心倒腹吐流水奔注為重深  
清風蕩微波渺渺平無音有鼈行在沙有魚躍在潯



鼈圓如新荷魚細如蠹蟬梧桐生兩涯蕭蕭自成林  
孫枝復生孫已中瑟與琴秋虫噪蜩螿春鳥鳴鳩雉  
有客來無時濯足蔭清陰自忘府中官取酒石上斟  
醉倒卧石上野蟲上其襟醒來不知莫湖月翻黃金  
油然上馬去縱牽不自箴作詩招路人行樂宜及今  
人生不滿百一瞬何所任路人掉頭笑去馬何駸駸  
子有不肖弟有冠未嘗簪頭身化為線使子為之鍼  
子欲烹鯉魚為子漑釜斲子欲枕山石為子求布衾  
異鄉雖云樂不如反故岑瘦田可鑿耕桑柘可織紝  
東有軒轅泉隱隱如牛泔西有管輅宅尚存青石礎

彭女留膝踈禮拜意已欽慈母抱衆子亂石寒蕭森  
朝往莫可還此豈不足臨慎勿語他人此意子獨謀

真興寺閣

秦川不為廣南山不為高差我真興閣傑立陵風颭  
危檻俯翔鳥跳簷落飛猱上有傲世人身衣白鶴毛  
下視市井喧奔走何嗷嗷蕭然倚楹嘯遺響入雲霄  
清風吹其裾冉冉不可撫不知何所為豈即非盧敖  
遊目萬里間遠山如伏羔遺語謝世俗釣魚當釣鼈

李氏園

李茂正園也俗謂皇后園蓋茂正謂其妻也

有客騎白駒揚鞭入青草悠悠無遠近但擇林亭好



蕭條北城下園號李家媪繫馬古車門隨意無洒掃  
鳴禽驚上屋飛蝶紛入抱竹林淨如濯流水清可澡  
閑花不著行香梨獨依島松枝貫今昔林影變昏早  
草木皆蒼顏亭宇已新造臨風置酒樽庭下取栗棗  
今人強歡笑古人已枯槁欲求百年事不見白鬚老  
秦中古云樂文武在豐鎬置囿通樵蘇養獸讓麇麋  
池魚躍金碧白鳥飛紵縞牛羊感仁恕行葦亦自保  
當年歌靈臺後世詠魚藻古詩宛猶在遺處不可考  
悲哉李氏末王霸出奴阜城中開芳園城外羅戰堡  
擊鼓鳴巨鐘百姓皆懊惱及夫聖人出戰國卷秋潦

園田賦貧民耕破園前道高原種菽粟陂澤滿粳稻  
春耕雜壺漿秋賦輸秸藁當年王家孫自庇無尺撩  
空餘百歲木妄為天巫禱遊人足譏罵百世遭舌討  
老翁不願見垂涕祝襁褓持用戒滿盈飲酒無醉倒

秦穆公墓

在秦泉上

泉上秦伯墳下埋三良士三良百夫特豈為無益死  
當年不幸見迫脅詩人尚記臨穴惴豈如田橫海中  
客中原皆漢無報所秦國吞西周康公穆公子盡力  
事康公穆公不為負豈必殺身從之遊夫子乃以侯  
嬴所為疑三子王澤既未竭君子不為詭三良狗秦



穆要自不得已

聞子瞻將如終南太平宮谿堂讀書

為吏豈厭事厭事日墮媮著書雖不急實與百世謀  
問吏所事何過客及繫囚客實虛攬人囚有不自由  
辨之何益增不辨亦足憂嗟此誰不能脫去使自收  
幽幽南山麓下有溪水流溪上亦有堂其水可濯漱  
終日不見人惟有山鹿吻是時夏之初溪冷如孟秋  
山樵黃笠展林筍紫角抽朝取筍為羹莫以樵為羞  
溪魚鯉與魴山鳥鶯與鳩食之飽且平偃仰自佚休  
試探篋中書把卷揖前脩况如反故鄉親朋自相求

蔚如甕中糟久熟待一翦為文若江河豈復有刻鏤  
尚何憶我為欲與我同遊我雖不能往寄詩以解愁

次韻子瞻麻田青峯寺下院翠麓亭

走馬紅塵合開懷野寺存南山抱村轉渭水帶沙渾  
亭峻朱欄繞堂虛白佛尊煩襟喜脩竹勸馬樂芳蓀  
白氎柔隨手清泉滿照盆塵顏洗濯淨髀肉再三捫  
饋食青蔬軟流匙細粟翻老僧勿拖敬對客說山門

次韻子瞻宿南山蟠龍寺

谷中夜行不見月上下不辨山與谷前呼後應行相  
從山頭誰家有遺燭是是深徑馬蹄響落落稀星著



疎木行投野寺僧已眠叩門無人狗出縮號呼從者  
久嗔罵老僧下牀揉兩目問知官吏冒夜來掃牀延  
客臥華屋金中無羨醜實盡愧客滿盃惟脫粟客未  
已遠睡忘覺僧起開堂勸晨粥自嗟奔走閑僧閑偶  
然來過何年復留詩滿壁待重遊但恐塵埃難再讀  
賦園中所有十首時在京師

### 萱草

萱草朝始開呀然黃鵠背仰吸日出光口中爛如綺  
織織吐須鬣冉冉隨風哆朝陽未上軒粲粲幽閑女  
美女生山谷不解歌與舞君看野草花可以解憂悻

### 竹

寒地竹不生雖生常若病斲根種幽砌開葉何已猛  
嬋娟冰雪姿散亂風日影繁華見孤淡一箇敵千頃  
令人憶江上森聳緣崖勁無風籜自飄策策鳴荒迳

### 蘆

蘆生井欄上蕭騷大如竹移來種堂下何爾短局促  
莖青甲未解枯葉已可束蘆根愛溪水餘闊長鮮綠  
強移性不遂灌水惱僮僕晡日下西山汲者汗盈掬

### 石榴

堂後病石榴及時亦開花身病花不齊火候漸已差



芳心竟未已新萼綴枯槎誰言石榴病乃久占年華  
鄰家花最盛早發豈容遮殘紅已零落婀娜子如瓜

蒲桃

蒲桃不禁冬屈盤似無氣春來乘盛陽覆架青綾被  
龍鬚亂無數馬乳垂至地初如早梅酸晚作醲酪味  
誰能釀為酒為爾架前醉滿斗不與人涼州幾時致

篲草

室幽來客稀塵土積不掃鄰翁笑我拙教我種藜草  
經霜斫為篲不讓秋竹好始生如一毛張王忽侵道  
鉏耨禁芟斲愛惜待枯槁有用皆勿輕吾師灌園老

果羸

吾兄客閩中果羸施吾宇兄雖未得還我豈如婦女  
啣啣感微物涕泗若零雨但愛果羸莖屈曲上墻堵  
朝見緣墻頭暮已過墻去物生隨年華還日何足數

牽牛

牽牛非佳花走蔓入荒榛開花荒榛上不見細蔓身  
誰剪薄素紗浸之青藍盆水淺浸不盡下餘一寸銀  
嗟爾脆弱草豈能凌霜晨物性有稟受安問秋與春

雙栢

南園地性惡雙栢不得長蓬麻春始生今已滿一丈



栢生嗟幾年失意自悽愴有子壓枝低已老非少壯  
尤栢栢也寬尤地亦恐妄兩既無所尤高枝幾時放

葵花

葵花开已闌結子壓枝重長條因風雨倒臥枕丘壟  
憶初始放花岌岌旌節聳得時能幾時狼籍成荒冗  
浮根不任雪採剥收遺種未忍焚枯莖積壘墻角擁

和子瞻記夢二首

兄從南山來夢我南山下探懷出詩卷卷卷盈君把  
詩詞古人似弟則吾弟也相與千里隔安得千里馬  
携手上南山不知今乃夜晨雞隔墻唱歌枕窓月亞

百語記一詞秋菊悲蛩吒此語鮑謝流平日我不暇  
我本無此詩嗟此誰所借

蟋蟀感秋氣夜吟抱菊根霜降菊叢折守根安可存  
耿耿荒苗下唧唧空自論不敢學蝴蝶菊盡兩翅翻  
蛩凍不絕口菊死不絕芬志士豈棄友烈女無兩婚

次韻子瞻題岐山周公廟

周人尚記有周公禾黍離離下有宮破豆豕豚非以  
報野巫長跪若為通山圍棟宇泉流近廟后有德淵泉世亂則竭  
鳳去梧桐落葉漾有客賦詩題屋壁二南猶自有遺  
風



次韻子瞻題扶風道中天花寺小亭

客車來不息轍迹自成溝莫怪慵登寺猶宜常舉頭  
獨遊知憶弟望遠勝登樓處處題詩遍篇篇誰為收  
次韻子瞻南溪避世堂

柱杖行窮徑圍堂尚有林飛禽不驚處萬竹正當心  
虎嘯風吹籟霜多蟬病瘖獸驕從不避人到記由今  
未暇終身住聊為半日吟青松可絕食黃葉不須衾  
偶到初迷路將還始覺深堂中有幽士插髻尚餘簪

和子瞻三遊南山九首

樓觀次韻

神仙避世守閨門一世沉埋百世尊舊宅居人無姓  
尹深山道士即為孫天寒遊客常逢雪日暮歸鴉自  
識村君欲留身託幽寂直將山外比羌渾

五郡次韻

蜀人不信秦川好食蔗從梢未及甘當道沙塵類河  
北依山水竹似江南觀形隨阜飲溪鹿雲氣侵山食  
葉蚕猶有道人迎客笑白鬚黃袖豈非聃

傳經臺

輪扁不能令子巧老聃雖智若為傳遺經尚在臺如  
故弟子今無似喜賢



大秦寺

大秦遙可說高處見秦川草木埋深谷牛羊散晚田  
山平堪種麥僧魯不求禪北望長安市高城遠似煙  
仙遊潭五首

潭

潭深不可涉潭小不通船路斷遊人止龍藏白沫旋  
剪藤量水短挿石置橋堅橋外君民少躬耕不用錢

南寺

澄潭下無底將渡又安能慣上橫空木輕生此寺僧  
曉魚聞考考石塔見層層不到殊非惡它年記未曾

北寺

君看潭北寺何用減潭南不到還能止重來獨未厭  
荒涼增客思貧病覺僧慙飲水寒難忍誰言栢子甘

馬融石室

扶風貴公子早歲伴山家吹笛墮秋葉讀書隨曉鴉  
業成心自叛學若我長嗟石室非人住窮山雪似沙

玉女洞

洞門蒼蘚合偏仄不容身傳有虛明處中藏窈窕入  
吹笙橋上月拾翠洞南春徃徃來山下蕭然雨洒塵

和子瞻調水符

子瞻令人取玉女洞水恐其見欺破竹為契使寺僧藏其一以為徃來之信故云



多防出多欲欲少防自簡君看山中人老死竟誰謾  
渴飲吾井泉飢食甌中飴何用費卒徒取水負瓢罐  
置符未免欺反覆慮多變授苦無憂符階下泉可嚙

次韻子瞻招隱亭

隱居吾未暇何暇勸夫人試飲此亭酒自慙纓上塵  
林深開翠帟岸斷峻嚴闔送雪村酤釀迎陽鳥哢新  
竹風吹斷籟湖月轉車輪霜葉飛投坐山梅重壓巾  
欲居常有待已失歎無因古語君看取聲名本實賓  
次韻子瞻凌虛臺

棄我謂我遠求我謂我還我一爾則二視此臺上山

山高上千天獨不照我顏無乃我自蔽誰謂山則慳  
遠望不見趾近視不得髮山實未始變任子自擇刪  
北風吹南崖山上秋葉斑道遠又寒苦皴裂辭難攀  
晴空卷朝雲照夜霜月彎強爾登此臺免爾超闔闌  
扶風太守宅舊不見南  
山唯此臺上見之故云

次韻子瞻竹飴

野食不穿困谿飲不盜盜嗟飴獨何罪膏血自為罔  
陰陽造百物偏此愚不爽肥癡與瘦黠稟受不相髣  
王孫處深谷小若兒在襁超騰避彈射將中還復往  
一朝受羈縲冠帶相賓饗愚死智亦擒臨食抵吾掌



次韻子瞻淡陂魚

淡陂霜落魚可掩枯茨破盤蒲折劍巨斧敲冰已暗  
知長叉刺浪那容閃鯨孫蛟子誰復惜朱鬣金鱗漫  
如染邂逅相遭已失津偶然一掉猶思塹嗟君遊宦  
久羊炙有似遠行安野店得魚未熟口流涎豈有哀  
矜自欺僭人生飽足百事已美味那令一朝欠少年  
勿笑貪七筋老病行看費鍼砭羊生懸骨空自飢伯  
夷食菜有不贍清名驚世不益身何異飲醯徒醅醢

和子瞻讀道藏

道書世多有吾讀老與莊老莊已云多何況其駢傳

所讀嗟甚少所得半已強有言至無言既得旋自忘  
譬如飲醇酒已醉安用漿昔者惠子死莊子哭自傷  
微言不復知言之使誰聽哭已輒復笑不如斂此藏  
脂牛雜肥豕烹熟有不嘗安得西飛鴻送弟以與兄  
次韻子瞻南溪微雪

南溪夜雪曉來霽有客晨遊酒未消風泛餘花來逐  
馬光浮斷澗不知橋山寒凍合行人息醉熟賓歡舞  
意囂歸騎相將踏瑤玉嗅林閑認早梅條

和子瞻司竹監燒葦園因獵園下

駿馬七尺行馮馮曉出射獸霜為冰荻園斫盡有枯



拚東茅吹火初如燈乍分乍合勢開展蒼煙被野風  
騰騰黃狐驚顧嘯儔侶飛鳥先起如蒼蠅須臾立旆  
布行伍有似脩蟒橫岡陵蒼蠅猛犬出前後缺處已  
掛黃麻罽回風忽作火力怒平地一卷無疆勝商辛  
不出抱寶死曹瞞逸去焦其肱投身誤喜脫灰燼闖  
首旋已遭侵凌何人上馬氣吞虎狐帽壓耳皮蒙膺  
開弓徐射疊雙兔擁馬驩叫驚未曾舉鞭一麾百夫  
進擊鼓再發箭啓棚去如飛宙中如電獲若兩獸膏  
流蠅肉分麾下飽壯士皮與公子留縑繒縱橫分裂  
惠村塢尚有磊落載後乘吾兄善射久無敵是日斂

手稱不能憑鞍縱馬聊自適酒後醉語誰能應健兒  
擊搏信可樂主將雄猛今誰勝胷中森列萬貔虎嗟  
世但以文儒稱安得強弓傳長箭使射蔽日垂天鵬  
木山引水二首

引水穿墻接竹梢谷藏峯底大容瓢將流旋滴廬山  
瀑已盡還來海上潮亂點落池驚睡覺半山含潤沃  
心焦瓦盆一斛何勝滿溢去猶能浸菊苗  
簷下枯槎拂荻梢山川迤邐費公瓢幽泉細細流巖  
鼻盆水瀰瀰漲海潮但愛堅如湖上石誰憐收自竈  
中焦蒼崖寒溜須佳蔭尚少冬青石壘苗



興州新開古東池

山遶興州萬疊青池開近郭百泉并昔年種柳人安  
在累歲開花藕自生波暖跳魚聞樂喜人來野鴨望  
船鳴西還過此須終日爲問使君行未行

子瞻喜雨亭北隋仁壽宮中怪石

仁壽宮中櫓穀生太湖蒼石草間橫興衰換世身猶  
在南北從人事已輕累石作臺秋蘚上鑿沂通水細  
渠清三年此亦非公有空使他年記姓名

用林妣韻賦雪

密雪來何晚窮冬候欲差投空落細米布地淨平沙

繚繞飛相着重仍積暗加雨微花破碎風細脚傾斜  
次第來如糝冥濛墮不譁燂鵝吹勁韜秀葦拂輕初  
畫字飄還沒團毬暖旋窠出鹽東海若鍊石古皇媯  
翻簸騰歸騎紛飄集晚鴉庭梅辨紅萼壠麥覆黃芽  
撥砌求新藥尋蹤射伏麕埋樓平盡脊集樹短留槎  
亂下曾何擇平鋪欲盡遮欺貧寒入榻惱客重添車  
積素聊成燭烹甘強試茶病僧添曉鉢老令放晨衙  
融液曾何有鮮明竟不奢積多還避井化早發從畬  
溜滴簷垂箸行觀逕轉地誰能相就醉都市酒容賒

送張唐英監閬州稅



閔中雖近蜀監稅本閑官豈足淹賢俊聊應長羽翰  
讀書心健否答策意何闌未可厭畋獵田中有走貆

送張師道楊壽祺二同年

故國多賢俊登科並弟兄重來舊游處兩見近題名  
冉冉須堪把駸駸歲可驚孤轅已南向疋馬復西征  
入峽猿應苦還荆鴈已鳴喜從元帥幕官職漸崢嶸  
送家定國同年赴永康諫

清慎岷山掾登科已七年迎親就魚稻為吏擇林泉  
去騎閑中熱歸心沫水鮮官閑幸可樂記買鷓鴣煎

永康多鷓鴣

送霸州司理翟曼

大梁能賦客邊郡繫囚曹官職不相稱聲名終自高

堯為吏苦應過讀書勞努力事初宦尺絲無厭縲

送道士楊見素南遊

只河春漲入隋溝任意隨波日夜流萬里尋山如野  
鶴一身浮水似輕鷗湖風送客那論驛岳寺留人暗  
度秋遲子北歸來見我携琴委曲記深幽

利路提刑亡伯郎中挽詞二首

好學先鄉黨登科復妙年誰為耆舊傳最處縉紳先  
淪謝今亡矣風流孰繼焉蒐歸食里杜世世仰仁賢



寧城集卷二  
三十一  
晚歲官仍困終身耻自言廉明漢循吏仁愛鄭公孫  
亦縣朝稱理衡山德共尊遠人應罷市處處有遺恩

亡伯母同安縣君楊氏挽詞

德盛諸楊族賢宜伯父家周姜職蘋藻歎母事蚕麻  
大邑移封近陰堂去日賒空餘鏡奩在時出舊笄珈

寧城集卷第二